



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. V. De interdicto Salviano.

---

[urn:nbn:de:hbz:466:1-73001](#)

dedit ex §. 2. *Instit.* de legat. ibi: non ex voluntate hæredi occupavit. Not. 2. hoc remedium competere non tantum hæredi *immediato*, sed etiam hæredi hæredi, & successoribus etiam singularibus, ex §. 3. *Instit.* eod. Not. 3. hoc interdictum competere etiam contra fideicommissarium singularem; nam interdictum quod legatorum in specie concessum est delegatis: at fideicommissum particularē, & legatum, quoad detractiōnem Falcidiā exequantnr, §. 2. *Instit.* de legat. non autem contra fideicommissarium universalem; nam hoc nec est legatum, nec jure exequatur legato; hinc ex illis non Falcidiā, sed Trebellianica detrahitur.

Not. 4. hoc remedium etiam dari contra eum, qui ex voluntate defuncti rem legatam possederat tempore mortis, L. 26. ff. ad Leg. Falcid. ibi: linea māgaritorum triginta quinque legavit: quæ linea apud Legatariarū fuerat mortis tempore: quero an ea linea hæredi restitui deberet propter legem Falcidiā? (id est, detrahendam) respondit, posse hæredem consequi, ut ei restituatur; aliud est, an detur etiam contra eum, qui aliquid detinet sibi donatum causā mortis; nam in hoc casu negandum est, quamvis hæres supplementum falcidiā alio modo vindicare possit, v. g. actione utili, de qua superius colligitur ex L. 1. §. 5. ff. cod. ibi: si quis ex mortis causa donatione possidet, utique cessabit interdictum; quia portio legis Falcidiā apud hæredem ipso jure remanet, et corporaliter res in solidum translate sint. Donatarius enim rem donatam, mortis causā, non debet accipere ab hærede; sicut Legatarius legatum.

Not. 5. si uni ex pluribus hæredibus factum sit prælegatum, contra eum, non quæ parte hæres est, sed quoad id, quod jure legati habet, hoc remedio aliis hæredibus succurri, L. 1. §. 6. ff. b. t. ibi: qui vero ex causa præceptionis, utique tenetur hoc interdicto; sed pro ea scilicet parte, quam jure legati habet; non etiam pro ea, quam quasi hæres habet. Not. 6. aliquibus videri, Legatarium hoc interdicto Conventum perdere jus legati, ex L. 5. C. de legatis, ibi: non est dubium, denegari actionem legatorum ei pro portione competenti, in his rebus, quas subtraxisse eum

de hereditate apparuerit: oppositum autem videtur colligi ex L. fin. §. 1. b. tit. ibi: Quod ait Praetor. Si per bonorum possessōrem non stat, ut satisfetur: sic accipimus, si paratus sit satis dare: non ergo offerre debet satisfactionem, sed petenti satis moram non facere. Ex hoc enim habetur, quod Legatarius tali casu habeat jus exigendi ab hærede cautionem de restituendis legatis, postquam detraherit detrahenda. Utramquè porrò legem conciliando, videtur dicendum, priorem legem s. procedere de subtractione facta post aditam hæreditatem, & rem apprehensam, legem autem finalē de subtractione facta ante aditam hæreditatem, & apprehensam ab hærede.

## §. V.

## De interdicto Salviano.

**S**Alvianum interdictum est juris remedium, quo succurritur Domino fundi contra colonum, & conductorem, & acquirendam possessionem earum rerum, quas iste in fundum locatum intulit, & eoipso pro pensione fundi Domino tacite obligata sunt pro pignote, L. 1. ff. b. t. ibi: si Colonus ancillam in fundo, pignoris nomine duxerit, & eam vendiderit: quod apud emptorem ex ea natum est, ejus apprehendi gratiā utile interdictum reddi oportet; quo posito, quæstio potissima est, contra quos detur hoc interdictum? pro quo not. inter Conductores alios esse, qui conducent prædia rustica, & vocantur Coloni; alios, qui urbana, qui dicuntur Inquilini. 2. inter bona, quæ isti conductores inserunt prædiis conductis, esse disclimen, quod bona Coloni, nisi expressa Conventio intervenierit, non sint oppignorata Locatori; secus, Inquilini, per ipsam illationem; sic Haunoldus tom. 1. de just. tr. n. 343. dicens id haberi ex receptissima Juristarum sententia: Porro ex hoc interdicto Colonum directe conveniri posse; constat ex dicta L. 1. Inquilinum autem solum interdicto utili (de quo supra) nimis rem ex mente, & ratione legis æquè militantis in casu inquilini; sic Haunold.

1116.

cit.

Mm 3

cit. qui n. 344. censet hoc interdictum utile non concedi adversus alium possessorum rerum oppignoratarum, si à Conductore habeat causam, & titulum possidendi; sed solum actionem quasi Servianam; sed de hoc agimus l. 3. tit. de Locato, & conducto, ubi de actionibus, huic, & illi competentibus.

**1117.** Cœterum Schneidewinus l. 4. *institut. tit. 6. §. Item Serviana*, n. 12. per actionem Servianam intelligit actionem realem, & prætoriam, qua Locator agit ad res, quæ à conductore illatae sunt in rem locatam, ut perpetuò illic essent, si biquè pro pensione, & deterioratione rei, tacitè obligatae sunt, & à quocunquè possessore quasi pignus avocat, & donec ei integrè satisfiat, retinet; sed hanc obligationem tacitam in rebus Coloni Locatori negat Haunold. supr. cit. in his exigens conventionem expressam. Idem porrò interdictum competere non tantum locatori, sed etiā aliis Creditoribus, res opignoratas habentibus contra suos Debtores, ut earum possessionem adipisci possint, affirmat Wesenbechius; negat Halinoldus cit. n. 345. qui n. 348. concedit edictum Salvianum dari etiam pro possessione mercium inductarum in ædes conductas, si conductor pensionem non solvat.

## E. VI.

### De interdicto Retinendæ possessionis.

**1118.** **H**oc interdictum duplex est, unum vocatur *uti possidetis*; alterum *utrobi*. In utroque uterque litigantium est Actör, & Reus, & ideo hoc sensu duplex est, L. 3. §. 1. ff. h. t. ille tamen habetur simpliciter pro Actore, qui primus ad judicium provocavit, L. 13. ff. *de iudicio*. Actori autem, spectato jure civili, probandum est. 1. quod in possessione à Reo turbatus sit; 2. quod tempore turbationis possederit: jure autem Canonico sufficit probatio antiquioris possessionis; c. licet. 9. *de probat.* Hinc eodem jure ille obtinet, qui vel probat antiquiorem possessionem, vel pro hac meliores pro-

bationes adducit. Remedium possessorum ex interdicto retinendæ possessionis intentari potest pro conservatione jurisdictionis, honoris, & obsequiorum quasi possessione; Barb. *in cit. c. licet. n. 11.*

## D U B I U M I.

### De interdicto: *Uti possidetis.*

**H**oc interdictum datur pro retinenda possessione *immobilium* sine vitio, hoc est, nec vi, nec clam, nec precario, possessorum, contra eum, qui possessionem audet turbare, vel inquietare; hoc tamen intellige, ut detur possessori contra impedientem, seu molestantem alterum in sua possessione, quamvis inquietans illum repellere possit exceptione vitii, quo laboret ejus possessio; quia tunc æquum non est, ut vincat eum, à quo possessionem accepit: secus est, si ab alio tertio illis viis possessionem accepisset; uti habetur, §. *hodie, instit. de interdictis*, & L. 1. ff. & C. uti possidetis. Neque opus est, hanc exceptionem opponi ante item contestatam; nam quolibet tempore, quo prædicta exceptio opponatur, admitti debet, quia est peremptoria, & jus possessionis extinguit, quibus positis:

Quares 1. contra quem possessori competit interdictum *uti possidetis*? Resp. quod contra quemlibet, qui prætensione possessionis five naturalis, five civilis, vel quovis alio modo, verbo, vel facto, ipsum in sua possessione inquietat, L. si duo, §. se *vicinus*, ff. *uti possidetis*; & L. *Vim facit*, de vi, & vi armata; & habetur in c. *anditatem*. 4. *de restit. ipsiatis*. ubi dicitur, Reum in interdicto de retinenda succumbere, *abjuratione probata*, seu probato juramento spontaneè præstito, se possessori Ecclesiæ Pelensis quæstionem de cætero motuum: *Perturbare* autem in possessione alterum dicitur, si liber possessionis usus ei impediatur, ut colligitur ex dict. L. *Vim facit*.

Quares 2. an hoc interdictum detur etiam pro retinendæ possessione *incorporealium*? v. g. servitutum, ac aliorum iurium? Communis affirmat; nam hæc quasi